



**CANTON SARAJEVO**  
Ministry for Education

Broj: 11-05/01-34-22036-1/21  
Sarajevo, 25.5.2021. godine

**OSNOVNIM ŠKOLAMA**  
**SREDNJIM ŠKOLAMA**

n/r direktora/ice  
EMIS odgovornih osoba

**PREDMET:** Unos podataka za učenike koji su završili osnovnu školu izvan Kantona Sarajevo u EMIS Web informacioni sistem – Informacija, *dostavlja se*

Poštovani,

u skladu sa Zakonom o srednjem obrazovanju („Službene novine Kantona Sarajevo“, broj: 23/17 i 33/19) učenici državljanima Bosne i Hercegovine koji su završili osnovnu školu u Bosni i Hercegovini, izvan Kantona Sarajevo, upisuju se u srednje škole Kantona Sarajevo pod istim uslovima kao i učenici sa područja Kantona Sarajevo.

S tim u vezi, Ministarstvo za odgoj i obrazovanje Kantona Sarajevo je donijelo Odluku broj: 11-05/01-34-22036/21 kojom određuje osam osnovnih škola u kojima će učenici koji su završili osnovnu školu izvan Kantona Sarajevo dostaviti dokumentaciju za unos podatka u EMIS informacioni sistem za upis u prvi razred srednje škole putem online sistema, u školskoj 2021/2022. godini.

Učenici koji dolaze izvan Kantona Sarajevo će prijave dostavljati u slijedeće osnovne škole:

1. Sedma osnovna škola
2. OŠ „Osman Nakaš“
3. OŠ „Izet Šabić“
4. OŠ „Podlugovi“
5. OŠ „Mehmedalija Mak Dizdar“
6. OŠ „6. mart“
7. OŠ „Silvije Strahimir Kranjčević“

Učenici stranih škola sa područja Kantona Sarajevo: Francuska osnovna škola CIFS, OŠ „Al-Amel“ i Quality Schools International – International School of Sarajevo (QSI Sarajevo), dokumentaciju o završenoj školi dostavljaju samo u OŠ „Čengić Vila I“.

Prilikom prijave učenici su dužni dostaviti slijedeću dokumentaciju:

- Izvod iz matične knjige rođenih,
- Svjedodžbu o završenoj osnovnoj školi,



web: <https://mo.ks.gov.ba>  
e-mail: [mo@mo.ks.gov.ba](mailto:mo@mo.ks.gov.ba)  
Tel: + 387 (0) 33 562-128  
Sarajevo, Reisa Džemaludina Čauševića 1



- Uvjerenje o završenom 6., 7. i 8. razredu (ukoliko se radi o osmogodišnjem obrazovanju potrebno je dostaviti uvjerenje o završenom 5., 6. i 7. razredu)
- Dokumenti/Diplome koji dokazuju rezultate postignute na takmičenjima, a u skladu sa Odlukom o kriterijima za prijem učenika u prvi razred srednjih škola Kantona Sarajevo u školskoj 2021/2022. godini.

Također, Vlada Kantona Sarajevo donijela je Zaključak broj: 02-04-20473-57/21, 7.5.2021. godine kojim se prihvata Informacija Ministarstva za odgoj i obrazovanje Kantona Sarajevo o nemogućnosti realizacije polaganja eksterne mature za učenike završnih razreda osnovnih škola Kantona Sarajevo za školsku 2020/2021. godinu, zbog epidemiološke situacije uzrokovane pandemijom COVID-19 i trenutnog načina odvijanja nastave. U školskoj 2020/2021. godini se neće realizirati polaganje eksterne mature za učenike 9. razreda osnovne škole na području Kantona Sarajevo. U skladu sa Instrukcijom broj: 11-34-9385-4/20, u svim osnovnim školama na području Kantona Sarajevo, u školskoj 2020/2021. godini, utvrđuje se ekvivalent bodova eksterne mature.

S tim u vezi, za učenike koji dolaze izvan Kantona Sarajevo, a žele se upisati u 1. razred srednje škole na području Kantona Sarajevo, utvrdit će se na isti način ekvivalent bodova eksterne mature. **Bodovanje učenika vršit će se automatski kroz informacijski sistem EMIS na osnovu uspjeha učenika (6., 7., 8. i 9. razred) kao broj bodova za eksternu maturu.**

EMIS odgovorna osoba, u prethodno navedenim osnovnim školama je dužna da u informacijski sistem EMIS Web izvrši unos podataka učenika izvan Kantona Sarajevo u tranzicijsku školu na slijedeći način:

- Putem opcije *Prethodne ocjene/Retroaktivni unos ocjena*, odabrati razred i školsku godinu za koju je potrebno upisati prethodne ocjene (npr. 6. razred koji je učenik pohađao u školskoj 2017/2018. godini).
- Nakon završenog unosa svih ocjena potrebno je odabrati opciju *Spasi*.
- Unos pohvala/takmičenja se vrši na isti način, za odabrani razred, putem opcije *Pohvale* (polje obavezno jer se takmičenja boduju za online upis u skladu sa Odlukom o kriterijima za prijem učenika u prvi razred srednjih škola Kantona Sarajevo u školskoj 2021/2022. godini).
- Procedura upisa ocjena se ponavlja za svaki razred pojedinačno.

**EMIS odgovorna osoba je dužna kreirati oID učenika izvan Kantona Sarajevo predati učeniku odnosno roditelju/staratelju učenika s obzirom da će se u školskoj 2021/2022. godini učenici putem oID-a prijavljivati na online sistem za upis u 1. razred srednje škole.**


Ministarstvo za odgoj i obrazovanje Kantona Sarajevo će blagovremeno dostaviti školama Odluku o kriterijima za prijem učenika u prvi razred srednjih škola Kantona Sarajevo u školskoj 2021/2022. godini i objaviti na web stranici Ministarstva.

S poštovanjem,

  
**MINISTRICA**  
**Naida Hota-Muminović**

Dostaviti:

- Naslovu
- a/a



web: <http://mon.ks.gov.ba>  
 e-mail: [mon@mon.ks.gov.ba](mailto:mon@mon.ks.gov.ba);  
 Tel: + 387 (0) 33 562-128,  
 Fax: + 387 (0) 33 562-218  
 Sarajevo, Reisa Džemaludina Čauševića 1

